



SAKSPAPIR

Saksnr	Utval	Type	Dato
90/2020	Formannskap/plan- og økonomiutvalet	PS	01.12.2020
102/2020	Kommunestyret	PS	15.12.2020
06/2021	Formannskap/plan- og økonomiutvalet	PS	26.01.2021
05/2021	Kommunestyret	PS	09.02.2021

Sakshandsamar	Arkiv	ArkivsakID
Åse Elin Myking	FE-044, TI-&00	17/651

POLITISK DELEGERINGSREGLEMENT

Vedlegg:

Politisk styringssystem og delegeringsreglement 2020

Rådmannen sitt framlegg til vedtak:

Politisk styringssystem og delegeringsreglement vert vedtatt slik det ligg føre.

Tilleggsforslag frå Sp, Sv og Høgre lagt inn i møteportalen av Kjartan Haugsnes, SV.

Tillegg til innstilling.

1. Kommunestyret ber om å få eit drøftingsnotat som grunnlag før temamøte om Delegasjonsreglement.
2. Utvala under kommunestyret og partigruppene og enkeltmedlem i kommunestyret kan innan 1. juni 2021, spele inn forslag til endringar/utgreiingar/spørsmål til administrasjonen i høve drøftingsnotatet.

Forslag til vedtak frå Frp, lagt inn i møteportalen av Boris Groth, Frp.

Politisk styringssystem og delegeringsreglement vert vedtatt slik det ligg føre med følgjande tillegg:

Lov om stadnamn vert delegert til Bygdeutviklingsutvalet

Dei som skal velgast til faste representantar i Levekår og Bygdeutvikling skal vera faste medlemar i Kommunestyre

Vara til Kommunestyre kan også veljast som vara til Levekårsutvalet og Bygdeutviklingsutvalet.

Tillegg innstilling til kommunestyret:

Kommunestyret ber om at det vert gjennomført eit temamøte hausten 2021 der delegasjon og delegasjonsreglement vert drøfta. Kommunestyret kan på bakgrunn av desse drøftingane vurdere om det er trong for endringar i delegasjonsreglementet, jfr kommunelova § 5-14

Formannskap/plan- og økonomiutvalet - Sak 90/2020

FPØ - Behandling:

På vegne av partia Sp, SV, Høgre, Frp og Ap la Kjartan Haugsnes fram følgjande forslag

Saka vert utsett til neste møte. Fram til handsaming av nytt delegasjonsreglement gjeld noverande reglement.

Fellesforslaget vart samrøystes vedteke.

FPØ - Tilråding/Vedtak:

Saka vert utsett til neste møte. Fram til handsaming av nytt delegasjonsreglement gjeld noverande reglement.

Kommunestyret - Sak 102/2020

KOM - Behandling:

Formannskapet si tilråding vart samrøystes vedteken.

KOM - Tilråding/Vedtak:

Saka vert utsett til neste møte. Fram til handsaming av nytt delegasjonsreglement gjeld noverande reglement.

Formannskap/plan- og økonomiutvalet - Sak 06/2021

FPØ - Behandling:

Heidi Rongved, Ap la fram følgjande tilleggsforslag:

Dei som skal velgast til faste representantar i Levekår og Bygdeutvikling skal vera faste medlemar i Kommunestyret.

På vegne av Sp, SV og Høgre la Amalie Johnsen Lunde, H fram følgjande forslag om endring:

Kommunestyret vedtek at Rådmannen endrar tittel til Kommunedirektør, jfr. kommunelova § 13-1

frå og med 01.mars 2021.

På vegne av Sp, SV og Høgre la Erlend Hesjedal-Johannessen fram følgjande tilleggsforslag:

Lov om stadnamn vert delegert til Bygdeutviklingsutvalet

Boris Groth, Frp, la fram følgjande tilleggsforslag:

Vara til Kommunestyre kan også veljast som vara til Levekårsutvalet og Bygdeutviklingsutvalet.

På vegne av medlemmene i formannskapet la Kjartan Haugsnes, SV fram følgjande innstilling til kommunestyret:

Kommunestyret ber om at det vert gjennomført eit temamøte hausten 2021 der delegasjon og delegasjonsreglement vert drøfta. Kommunestyret kan på bakgrunn av desse drøftingane vurdere om det er trong for endringar i delegasjonsreglementet, jfr kommunelova § 5-14

Røysting

Rådmannen sitt framlegg til vedtak vart samrøystes vedteke.

Fellesforslag frå Sp, SV og Høgre som omhandla lov om stadnamn vart samrøystes vedteke.

Sp, SV og Høgre sitt tilleggsforslag om endring av tittel til kommunedirektør vart vedteken med 6 stemmer (Sp, SV, H, Frp, Ap), 1 stemte mot (Thor Andresen, Ap).

Ap sitt tilleggsforslag om faste medlemmer vart samrøystes vedteken.

Frp sitt tilleggsforslag om varamedlemmer vart samrøystes vedteken.

Tilleggsforslag om temamøte vart samrøystes vedteke.

FPØ - Tilråding/Vedtak:

Politisk styringssystem og delegeringsreglement vert vedtatt slik det ligg føre med følgjande tillegg:

Lov om stadnamn vert delegert til Bygdeutviklingsutvalet

Kommunestyret vedtek at Rådmannen endrar tittel til Kommunedirektør, jfr. kommunelova § 13-1 frå og med 01.mars 2021.

Dei som skal velgast til faste representantar i Levekår og Bygdeutvikling skal vera faste medlemar i Kommunestyre

Vara til Kommunestyre kan også veljast som vara til Levekårsutvalet og Bygdeutviklingsutvalet.

Tillegg innstilling til kommunestyret:

Kommunestyret ber om at det vert gjennomført eit temamøte hausten 2021 der delegasjon og delegasjonsreglement vert drøfta. Kommunestyret kan på bakgrunn av desse drøftingane vurdere om det er trong for endringar i delegasjonsreglementet, jfr kommunelova § 5-14

Kommunestyret - Sak 05/2021

KOM - Behandling:

Boris Groth, Frp la fram eit forslag til vedtak likelydande med formannskapet si tilråding, men unntak av tittelendring for rådmannen:

Politisk styringssystem og delegeringsreglement vert vedtatt slik det ligg føre med følgjande tillegg:

Lov om stadnamn vert delegert til Bygdeutviklingsutvalet

Dei som skal velgast til faste representantar i Levekår og Bygdeutvikling skal vera faste medleamar i Kommunestyre

Vara til Kommunestyre kan også veljast som vara til Levekårsutvalet og Bygdeutviklingsutvalet.

Tillegg innstilling til kommunestyret:

Kommunestyret ber om at det vert gjennomført eit temamøte hausten 2021 der delegasjon og delegasjonsreglement vert drøfta. Kommunestyret kan på bakgrunn av desse drøftingane vurdere om det er trong for endringar i delegasjonsreglementet, jfr kommunelova § 5-14

På vegne av Sp,SV og Høgre la Kjartan Haugsnes, SV fram følgjande tilleggsforslag:

1. Kommunestyret ber om å få eit drøftingsnotat som grunnlag før temamøte om Delegasjonsreglement.
2. Utvala under kommunestyret og partigruppene og enkeltmedlem i kommunestyret kan innan 1. juni 2021, spele inn forslag til endringar/utgreiingar/spørsmål til administrasjonen i høve drøftingsnotatet.

Formannskapet si tilråding til kommunestyret vart sett opp mot Frp sitt forslag til vedtak. Formannskapet si tilråding vart vedteke med 19 stemmer, mot 2 stemmer (Frp) for Frp sitt forslag.

Tilleggsforslaget vart samrøystes vedteke.

KOM - Tilråding/Vedtak:

Politisk styringssystem og delegeringsreglement vert vedtatt slik det ligg føre med følgjande tillegg:

Lov om stadnamn vert delegert til Bygdeutviklingsutvalet

Kommunestyret vedtek at Rådmannen endrar tittel til Kommunedirektør, jfr. kommunelova § 13-1 frå og med 01.mars 2021.

Dei som skal velgast til faste representantar i Levekår og Bygdeutvikling skal vera faste medleamar i Kommunestyre

Vara til Kommunestyre kan også veljast som vara til Levekårsutvalet og Bygdeutviklingsutvalet.

Tillegg innstilling til kommunestyret:

Kommunestyret ber om at det vert gjennomført eit temamøte hausten 2021 der delegasjon og delegasjonsreglement vert drøfta. Kommunestyret kan på bakgrunn av desse drøftingane vurdere om det er trong for endringar i delegasjonsreglementet, jfr kommunelova § 5-14

1. Kommunestyret ber om å få eit drøftingsnotat som grunnlag før temamøte om Delegasjonsreglement.
2. Utvala under kommunestyret og partigruppene og enkeltmedlem i kommunestyret kan innan 1. juni 2021, spele inn forslag til endringar/utgreiingar/spørsmål til administrasjonen i høve drøftingsnotatet.

Saksopplysningar:

Samandrag/konklusjon (kort om saka)

Kommunestyret skal innan utgangen av året revidere reglementet for delegering av oppgåver, ansvar og mynde. Reglementet er oppdatert etter ny kommunelov og andre særlover.

Bakgrunn for saka

Kommunestyret skal etter kommunelova vedta eit reglement for delegering. Dette skal behandlast innan 31. desember året etter at kommunestyret vart konstituert. Det sist fastsette reglementet og eventuelle andre vedtak om delegering gjeld inntil eit nytt reglement er fastsett.

Formelt grunnlag

Kommunelova §5-14

Vurdering og konsekvensar

Gjeldande reglement er oppdatert etter ny kommunelov og endringar i andre lover.

Hovudoppsettet er vidareført. Kva mynde som er delegert, og rammene for denne må gå tilstrekkeleg tydeleg fram. Samstundes bør det ikkje vera for detaljert ettersom kommunen er ei særskild kompleks og lovregulert verksemd, og detaljar i delegert mynde vil endre seg monaleg fort.

Det er gjort endringar i samsvar med ny lov, elles ikkje andre vesentlege endringar. Lovendringar i dette reglementet er knytt til presiseringar om kommunale organ, endringar om ordførar og rådmann. Ungdomsråd er no lovfesta på same måte som andre råd.

Delegering av mynde til utval for bygdeutvikling er tatt inn og vidareført. Det er gjort ei vurdering av om mynde som planutval skal flyttast til bygdeutvikling. Vaksdal kommune har fått detaljreguleringsplanar til behandling, det er i all hovudsak overordna planar og temaplanar. I kommunar av vår storleik er planutvalet oftast lagt til formannskapet, som har eit større ansvarsområde og kan behandle overordna planar i ein heilskapleg samanheng. Formannskapet har og fleire møter i året.

Innan byggesak er det begrensa med søknader, for det meste mindre tiltak og delegerte saker. Kommunar med større byggeaktivitet kan ha fleire dispensasjonssaker, hos oss er det få slike saker.

Innafor kulturfeltet kan det eventuelt delegerast mynde til utval for bygdeutvikling.

Arbeidsmiljøutvalet er tatt ut av reglementet i samsvar med kommunelova.

Rådmann legg med dette fram framlegg til revidert delegeringsreglement.